

Tau fakaholoaga lagomatai moua noa ke he vale mo e keli he kaina

Tau fakailoaga ke he tau fakaholoaga lagomatai ma e tau tagata momotua mo e tau fānau i lalo hifo fakatufono tohi, Mahani Vale Fakakaina 1995

Kaeke kua puipui he poakiaga puipui a koe ne taute mo e fakamooli i lalo hifo he fakatufono tohi, Mahani Vale Fakakaina 1995, maeke a koe ke finatu ke he **fakaholoaga lagomatai moua noa** ke lagomatai ke fakafehagai mo e tūaga haau.

Maeke foki e tau fānau ne nonofo mo koe ke oatu ke he tau fakaholoaga moua noa nei.

Ko e tau fakaholoaga lagomatai i lalo hifo he fakatufono tohi, ko e Mahani Vale Fakakaina ko e tau mena –

- moua noa
- nākai fakakite fakahānoa
- hagaa ke he levekiaga ke haohao mafola a koe.
- hagaa ke he ati hakeaga he loto malolō.

MAEKE FĒFĒ HE TAU FAKAHOLOAGA NEI KE LAGOMATAI MO E FAKAMALOLŌ AU?

Lagomatai he tau fakaholoaga a koe ke **holo ki mua** mo e **haohao mafola**. Foaki atu foki e lautolu e tau fakailoaga ke he poakiaga puipui, mo e tau kelea moua mai he vale mo e keli he kaina.

Maeke he tau fakaholoaga ma e tau **fānau** ke lagomatai a lautolu ke maama mo e fakafehagai mo e favale ti pihia mo e tau kelea ki a lautolu mo e tau magafaoa ha lautolu.

Maeke a koe ke fifili mai he loga e tau fakaholoaga kehekehe. Taute ma e tau matakau po ke ma e tagata tokotaha. Ko e falu a fakaholoaga, moua e leveki tama mo e tau

puhala o fano.

Kehekehe e tau fakaholoaga nai mai he tau fakaholoaga kua poaki ke he **tagata mahani vale** (ko e tagata ne fae vale po ke eke fakakelea) ke finatu ki ai ke lagomatai a lautolu ke iloa ke nonofo mo e nākai fai vale mo e keli.

KO HAI NE TAUTE E TAU FAKAHOLOAGA?

Tauteute he tau pulotu fakaako e tau fakaholoaga oti ne kua talia mo e fakamooli he Faahi Fakafiliaga (Ministry of Justice).

Kua fakaeneene lahi mo e mailoga e lautolu e tau aga kehekehe ha ko e tau tau moui, fifine po ke taane, aga fakamotu, aga faivao po ke nākai katoatoa e tau tino.

TAU FAKAHOLOAGA LAGOMATAI MA E TAU TAGATA MOMOTUA

To maeke he tau fakaholoaga nei ke -

- ke talaatu ki a koe e puhala fakagahua he poakiaga puipui mo e tau tonuhia haau i lalo hifo he poaki
- tuku atu e tau fakailoaaga ke he vale mo e keli he kaina mo e tau kelea hahā i ai
- lagomatai a koe ke moua mo e ati hake e fakamalolō ma haau mo e tau kapitiga, magafaoa mo e kautū
- lagomatai a koe ke taute e tau fakatokatokaaga ke haohao mafola ai a koe mo e haau a tau fānau
- lagomatai a koe ke moua e tau puhala ke taute e tau huihuiaga mafola ma e haau a moui

TAU FAKAHOLOAGA LAGOMATAI MA E TAU FĀNAU

Haofia e tau fānau he tau favale oti, pihia foki kaeke kua onomata po ke logona he tau fānau e favale.

Kua lata he tau fānau ke moua **lahi atu e lagomatai mo e fakamalolō** ke maeke i a lautolu ke fakafehagai mo e tau mena kua tutupu ke he ha lautolu a tau momoui. Hā hā i ai e fakaholoaga lagomatai moua noa ma e tau fānau haau, kaupā mai he 17 e tau tau moui, taute fakamatakau po ke takitokotaha.

Maeke he tau fakaholoaga nei ke lagomatai e tau fānau haau ke -

- iloa e tau puhala ke fakatumau e haohao mafola ha lautolu
- maama e tau kelea mai he vale mo e keli ki a lautolu
- fakamafola e tau fakalavelave mo e fakahagahagamitaki e tau manamanatuaga mo e tau loto lololele ha lautolu

- ati hake e tau loto malolō.

Maeke a koe po ke taha he tau leveki tama he fānau, ke oatu ke he fakaholoaga mo e tau fānau haau.

FIHA E LEVA HE FAKAATĀ AI E TAU FAKAHOLOAGA?

Hahā i a koe, kaupā mai he tolu e tau he mole e fakamooli he poakiaga puipui ke tohi ole ma e fakaholoaga moua noa.

Ko e magaaho nei, maeke e kaupāaga ke hiki kaeke ko e fai kehe e fekau, ko e mena ia hūhū atu ke he Fakafiliaga hagaa ke he mena nei kaeke kua molea e tolu tau he poaki haau.

Ma e falu a fakailoaga ke he tau fakaholoaga lagomatai nei, matutaki atu ke he Fakafiliaga Magafaoa, po ke kikite ke he meli-hila he Fakafiliaga Magafaoa (www.justice.govt.nz), po ke tūtala ke he loea haau

DVP4

TAU LAUPEPA TOHI OLE

Tau fakaholoaga ma e tau tagata momotua kua leveki

I lalo hifo he fakatufono tohi, Mahani Vale Fakakaina 1995, kua ole atu au ke tuku la au ke he taha fakaholoaga ne hahā i ai e agaaga he fakaohoho ke he puipuiaga mai he vale mo e keli he kaina.

Higoa:

Kaina nofo:

Telefoni:

Tupuaga:

Higoa he tagata mahani vale ke he poakiaga puipui:

Fakafiliaga Magafaoa ne fakamooli e poakiaga puipui:

Tau fakaholoaga ma e tau fānau

I lalo hifo he matakupu 29(1)(b) he fakatufono tohi, Mahani Vale Fakakaina 1995, kua ole atu au ke tuku e tama/tau fānau nai he magafaoa haaku ke he taha fakaholoaga ne hahā i ai e agaaga he fakaohoho ke he puipuiaga mai he vale mo e keli he kaina.

Higoa haaku:

Kaina nofo:

Telefoni:

Higoa he tama

Aho fanau

Tupuaga

Fakafiliaga Magafaoa ne fakamooli e poakiaga puipui:

Higoa he respondent ke he poakiaga puipui:

277 DFC Domestic 009 10/9FINAL 10/9/03, 5:53 PM 1

Fatufatu e laupepa nei ti fakahū po ke taatu ke he Fakafiliaga
Magafaoa ne tata atu ki a koe.

[Tau talahauaga ma e laupepa i tua]

Ko e laupepa nei ne hahā i ai e tau fakakatoatoaaga he falu vala he fakatufono tohi, Mahani Vale Fakakaina 1995.

Kaeke kua fai hūhū a koe, fakakia e fakatufono tohi, Mahani Vale Fakakaina 1995 po ke kumi taha loea.

Ma e falu a fakailoaaga foki, matutaki atu ke he Fakafiliaga Magafaoa he matakavi ne nofo ai a koe.

Moua foki e laupepa nei mai he meli-hila he Ministry of Justice www.justice.govt.nz

Fakafiliaga 009

[Mahina mo e tau ne lolomi ai]